



TOLOSAKO UDALA

## **TOLOSA UDALERRIKO IRABAZI-ASMORIK GABEKO GAZTE ELKARTE EDO ELKARTU GABEKO GAZTEEN EKIMENAK SUSTATZEKO DIRU-LAGUNTZA EMATEKO OINARRI BEREZIAK.**

1. Helburua
2. Onuradunak
3. Prozedura
4. Diruz laguntzeko gastuak.
5. Diru-laguntzarako irizpideak.
6. Zuzkidura eta aurrekontuko partida.
7. Pertsona edo erakunde onuradunaren betebeharrak.
8. Ebazpena.
9. Diru-laguntzaren erabileraren justifikazioa.
10. Diru-laguntzen abonua eta aurrerakinak.
11. Publizitatea.
12. Araudia.

### **1. HELBURUA**

Oinarri hauen helburua da Tolosako udalerriko irabazi-asmorik gabeko gazte elkartuek eta elkartu gabekoek diru-laguntzak eskatzeko eta horiek, norgehiagoka araubidez, emateko prozedura arautzea. Diru-laguntzak hainbat kultur programa eta jarduera puntual burutzeko izango dira. Jarduera eta programa horiek duten proiektio eta interesagatik bat etorriko dira Gazteria Sailaren honako programen helburuekin:

Urteko programazioa – Elkartegintza sustatzea

Bazkideen prestakuntza

Gazteen ekimen puntuala sustatzea

Materiala erostea eta berritzea

Espresuki diru-laguntzen emakidatik kanpo utziko dira gazte edo gizarte elkartuek zuzenean egiten ez dituzten programak eta jarduerak.

### **2. ONURADUNAK**

Diru-laguntza horiek Tolosako irabazi-asmorik gabeko gazte elkartu eta elkartu gabeko gazteek eskatu ahal izango dituzte, legearen arabera eratuak eta dagozkien erregistroetan inskribatuak, behar den IFZ dutenak eta beren jarduera nagusiki Tolosako udalerrian garatzen dutenak.

Halaber, diru-laguntzak eskatu ahal izango dituzte nortasun juridikorik gabeko elkarteek, nahiz pertsona fisiko edo juridikoak izan, nahiz publiko edo pribatuak izan, jarduera zehatzak egiten badituzte. Nolanahi ere, elkartearen edo ekintza zehatz horren ordezkari



## TOLOSAKO UDALA

edo ahaldun bakar bat izendatu beharko da, onuradun gisa elkarteari dagozkion betebeharrak betetzeko ahalorde askietsia izango dena. Kasu horietan guztietan, nahikoa izango da eskatzaileen erdiek edota eskatzaileak (bakarra denean) 14 eta 30 urte bitarteko adina izatea eta Tolosan erroldatua egotea.

### 3. PROZEDURA

Diru-laguntzak emateko prozedura Tolosako Udaleko Ordenantza Orokorrean ezarritakoa izango da.

### 4. DIRUZ LAGUNTZEKO GASTUAK

Legean aurreikusitako diruz laguntzeko gastuez gain, finantza gastuak, aholkularitza juridiko edo finantzarioko gastuak, notario- eta erregistro-gastuak, eta diruz lagundutako proiektua gauzatzeko adituen gastuak, eta administrazioko espezifikoak diruz laguntzekoak dira, baldin eta diruz lagundutako jarduerarekin zuzenean lotuta badaude eta jarduera hori modu egokian prestatzeko edo burutzeko ezinbestekoak baldin badira.

### 5. DIRU-LAGUNTZARAKO IRIZPIDEAK

1.- Diru-laguntzak esleitzeko ondorengo puntuak hartuko dira kontuan, eta eskaerarekin batera doazen programazio-fitxetan egiaztatu beharko dira:

- Burutu beharreko programaren edo jardueraren kalitatea, jarduera eta elkarreak dauzkat bazkide eta parte hartzaile kopurua, baita programaren objektua burutzeko beharrezko formakuntza ikastaroak . 30 puntu.
- Euskararen erabilera sustatzea bere jarduera-esparruaren barruan. Genero-ikuspegia txertatzea, emakume eta gizonen egoerak, baldintzak eta premiak desberdinak direla kontuan hartuta, otsailaren 18ko 4/2005 legea betez. Proposatutako jardueretan kanpo jatorria duten tolosar gazteen parte hartzea bultzatzeko estrategiak txertatzea. Haur, nerabe eta gazteentzako jarduerak antolatzean ohitura osasungarrien alde egitea. 40 puntu.
- Erakunde eskatzailearen urteko programak Tolosako bizitza soziokulturalaren sustapenean egingo duen ekarria eta udal-intereseko jardueretan parte-hartzea. Erakundeak bere jarduera garatzen duen esparruan erakutsitako ibilbidea, jarraitutasuna eta egonkortasuna. Aurkeztutako programazioa biztanleria gazteari oro har hedatzea. 20 puntu.
- Erakundearen finantza-baliabideak eta eskatutakoaren proportzioa bereak dituen baliabideekiko. 10 puntu.

Goian jasotako atalen aplikazioak puntuazio zehatz bat emango dio eskaera bakoitzari,



## TOLOSAKO UDALA

lehentasun-hurrenkera ezarriz. 60 puntu gainditzen dituzten eskaerak onartuko dira eta hauen artean hainbanaketa egingo da. Diru banaketarako irizpideak. Puntuaren balorea zein izango den zehazteko, atal honetako diru-laguntzak guztira izango duten zenbatekoa hartu eta onartutako eskaera guztiei emandako puntuekin zatitu beharko da. Diru-laguntza izango da eskaera bakoitzak lortu dituen puntu guztien batura ondorengo mugak beti kontuan hartuta.

2.- Deialdi bakoitzean eskaini ahal izango diren gehienezko kontzeptuak eta zenbatekoak ondoren zehaztutakoak dira:

### a) URTEKO PROGRAMAZIOA

Diruz lagunduko dira beren eguneroko jardueren eta jarduera tradizionalen bidez elkartearen helburuak lortu nahi dituzten programak eta jarduerak. Diru-laguntza ildo hau Elkarteen sustapena transferentzien partidari atxikiko zaio. Proposatutako diru-laguntzaren zenbatekoak ez du programa edo ekintzaren kostuetako gastuen % 70 gaindituko. Kostuetan diru-sarrerak %30era iristen badira kostu osoaren %100 finantzatu ahalko da. Emandako diru-laguntzen zenbatekoak ezingo du inoiz, bakartuta zein beste diru-laguntza, laguntza, diru sarrera edo baliabide batzuekin batera, erakunde onuradunak diruz lagunduta garatu beharreko jardueraren kostua gainditu.

### b) BAZKIDEEN PRESTAKUNTZA

Diruz lagunduko da elkartekideak bertako kudeaketa, programazio eta jarduerekin lotutako prestakuntza eta gaitze ikastaro eta programetara joatea. Atal honetan, bereziki aisialdiko monitoreak eta zuzendariak prestatzeko ikastaroak hartuko dira kontuan.

Diru-laguntza ildo hau Elkarteen sustapena transferentzien partidari atxikiko zaio. Proposatutako diru-laguntzaren zenbatekoak ez du programa edo ekintzaren kostuetako gastuen % 50 gaindituko. Kostuetan diru-sarrerak %50era iristen badira kostu osoaren %100 finantzatu ahalko da. Emandako diru-laguntzen zenbatekoak ezingo du inoiz, bakartuta zein beste diru-laguntza, laguntza, diru sarrera edo baliabide batzuekin batera, erakunde onuradunak diruz lagunduta garatu beharreko jardueraren kostua gainditu.

### c) MATERIALA EROSTEA ETA BERRITZEA

Eskatzaileak bere eguneroko programak eta jarduerak burutzeko behar dituen materialen erosketak eta berritzeak izango dira.

Proposatutako diru-laguntzaren zenbatekoak ez du programa edo ekintzaren kostuetako gastuen % 30 gaindituko. Kostuetan diru-sarrerak %70era iristen badira kostu osoaren %100 finantzatu ahalko da. Emandako diru-laguntzen zenbatekoak ezingo du inoiz, bakartuta zein beste diru-laguntza, laguntza, dirusarrera edo



## TOLOSAKO UDALA

baliabide batzuekin batera, erakunde onuradunak diruz lagunduta garatu beharreko jardueraren kostua gainditu

### d) EKIMEN PUNTUALAK

Gipuzkoako haur, nerabe eta gazteen sustapenerako sistemak dioen moduan (Gaztematika 2009), parte hartzeak herritartasun aktiboa sustatzea eta era berean hiru elementu ezberdin bultzatzea dakar:

- Norbanako mailan autonomia sustatzea: Norbere burua antolatu eta izateko/egiteko aukera eta gaitasunak izatea.
- Talde mailan dimentsio aktiboa sustatzea: Gizabidezko jarrera, jendartearikiko konpromisoa eta errealitatearekiko espirtu kritiko duna.
- Komunitate mailan jendarteko aldaketa prozesuetan inplikatzeko gaitasuna izatea.

Hau guztia ahalbidetzeko, gazteentzako eta gazteengandik administrazioaren laguntza beharrezkoa dela deritzogu. Hortik beren ekimenak sustatzearen premia.

Gazteek, norbanako gisara edo taldean, antolatzen dituzten gizarte eta kultur arloko ekimen puntualak, beren proiektu eta interesetatik Tolosako Udaleko Gazteria Departamentuaren programa ezberdinen helburuekin bat etortzen badira sustatuko dira. Eskatzaileak ez du zertan Eusko Jaurlaritzako elkartearen erregistroan inskribatuta egon; taldeka baita banaka ere eska daiteke, eta talde eskatzailearen kideen erdiak gutxienez edota banakako eskatzaileak 14-30 urte bitartekoak eta Tolosan erroldatuta egon beharko dira. Kasu honetan, langile bitartekariak gazteak izango direla bermatu beharko da, hartara gazteen proiektu kulturalak bultzatu ahalko baitira.

Proposatutako diru-laguntzaren zenbatekoak ez du programa edo ekintzaren kostuetako gastuen %70 gaindituko. Kostuetan diru-sarrerak %30era iristen badira kostu osoaren %100 finantzatu ahalko da. Emandako diru-laguntzen zenbatekoak ezingo du inoiz, bakartuta zein beste diru-laguntza, laguntza, diru-sarrera edo baliabide batzuekin batera, erakunde onuradunak diruz lagunduta garatu beharreko jardueraren kostua gainditu.

3.- Diru-laguntzen emakida dagokion partidaren aurrekontuko diru-izendapenaren gehienezko mugaraino egingo da.

4.- Salbuespen gisa, banku-bermeko gastuak diruz lagundu ahal izango dira, diruz lagundutako jarduera modu egokian prestatzeko edo burutzeko ezinbestekoak baldin badira, eta horien onarpena Balioespen Batzordearen iritzira utziko da.

### 6. ZUZKIDURA ETA AURREKONTUKO PARTIDA

Diru-laguntzen zuzkidura eta aurrekontuko partidak Kultura, Festak eta Gazteria Departamentuaren urteko deialdietan ezarriko dira.



TOLOSAKO UDALA

## 7. PERTSONA EDO ERAKUNDE ONURADUNAREN BETEBEHARRAK

Pertsona edo erakunde onuradunaren betebeharrak, deialdian jasotakoez gain, hauek dira:

Emakidarako ebazpen-proposamena egin aurretik zerga-betebeharrak, Gizarte Segurantzakoak eta Tolosako Udalarenak egunean dituela egiaztatu. Dena den, erakundeen

ziurtagiriak aurkeztu beharrean, erantzukizuneko aitortpena aurkeztu ahaliko da, diru-laguntza eskaerarekin batera erregistroan entregatuta, besteak beste, kasu hauetan: — 3.000 €-tik beherako diru-laguntza eskaeretan. Kasu hauetan nahikoa izango da aitortpen honekin.

— Pertsona edo erakunde eskatzaileak eskaeran organo emaileak zerga-betebeharren eta Gizarte Segurantzakoak betetzearen egiaztapena ziurtagiri telematikoen bidez lortzeko baimena eransten duen kasuetan, eta kasu horietan ez ditu dagozkion egiaztapenak ekarri beharko.

Organo emaileari, hala badagokio, edozein Administrazio edo erakunde publiko zein pribatutatik, nazional zein nazioartekotatik diruz lagundutako jarduera finantzatzen duten beste diru-laguntzak, laguntzak, diru-sarrerak edo baliabideak lortu izana jakinarazi. Diruz lagundutako jardueraren hedapen-ekintzetan, jasota geratu beharko da Tolosako Udaleko Kultura, Jaiak eta Gazteria Sailaren diru-laguntza bidezko lankidetzak.

Jardueran aritzean, pertsonaren funtsezko eskubideekiko behar den errespetua erakutsiko da eta indarrean diren legeak errespetatuko dira.

## 8. EBAZPENA

Ebazpena Tolosako Udaleko Ordenantza Orokorrean ezarrita dagoenari jarraiki egingo da.

- Antolamendua eta instrukzioa ( Instrukzio-organoa): Kultura, festak eta Gazteria Saileko arduraduna.
- Azterketa: Gazteria teknikaria.
- Balioespena ( Balioespen Batzordea): Kide anitzeko organo bat, diru-laguntza ematen duen saileko informazio -batzordeko kideek osatutakoa.
- Ebazpena ( organo eskuduna): Alkatetzari edo Tokiko Gobernu Batzarrari egokituko zaio, Udalaren administrazio-antolamenduan une bakoitzean indarrean diren eskumenekin eta aldi bateko eskuordetzeekin bat etorriz.

### **Jakirazpen epea**

Diru-laguntzen ebazpena jakinarazteko Tolosako Udaleko ordenantza orokorrean ezarritakoa izango da.

## 9. DIRU-LAGUNTZAREN ERABILERAREN JUSTIFIKAZIOA

Diru-laguntzaren erabileraren justifikazioa Tolosako Udaleko Ordenantza Orokorrean



## TOLOSAKO UDALA

ezarritakoari jarraiki egingo da, eta Gazteria Sailaren urteko deialdian ezartzen den epean aurkeztu beharko da.

Onuradunak, modalitate hauen bidez, justifikatu ahal izango du, ezarritako baldintzak bete

direla eta diru-laguntzaren emakidan aurreikusitako helburuak lortu direla: Justifikazio-kontua gastuaren frogagiriak ekarrita eta moduloka egiaztatzea.

Justifikazio kontuak gutxiengo informazio hau izan behar du barne:

- a) Dirulaguntza eman zaion jarduera amaitutakoan, dirulaguntza hori zuzen erabili dela adierazten duten dokumentuak aurkeztu beharko dira.
- b) Dirulaguntza emateko arrazoi diren jarduerak burutzea.
- c) Jarduera gauzatu dela eta dirulaguntza emateko erabakian jarritako baldintzak epeen barruan bete direla egiaztatzea.
- d) Tolosako Udalak egin ditzakeen finantza kontrol eta egiaztapen jarduketak onartzea.
- e) Kontu justifikagarria dokumentu hauek osatuko dute:

**1. Jardueren Memoria,** diru laguntza jaso duen betetako ekintzarena; diru laguntzarekin finantzatutako jardueren azalpen xehatua eta kostua jaso beharko ditu. Aurkezteko epea: asko jota, hurrengo urteko urtarrilaren 31 baino lehen.

Memoriak, gutxienez, atal hauek izango ditu:

- Programaren edo proiektuaren izena.
- Dirulaguntza ematearen helburua, aurkeztutako aurrekontuaren eta proiektuaren arabera.
- Programaturiko ekintzaren xehetasunak, helburuen eta lortutako ondorioen deskripzioa. Neurgarria diren heinean partaideen datuak sexuarekiko segregaturik aurkeztuko dira.
- Proiektua edo jarduera garatzean egindako aldaketak.
- Finantza baliabideen zerrenda: Dirulaguntzarekin finantzatutako jardueren deskribapena eta kostua, baita beste dirulaguntza batekin edo onuradunen diruarekin finantzatutako beste jarduera batzuen ere.
- Ondorioak.

**2. Memoria Ekonomikoa,** egindako jardueren kostua justifikatuko duena; gutxienez dokumentu hauek bilduko ditu:

- **Diruz lagundutako jardueren diru-sarreraren eta gastuen balantzea,** erakundearen idazkariak sinatutakoa eta dagokion zigiluarekin.
- **Izandako gastuak eta lortutako diru-sarreraren zerrenda ordenatua eta sekuentzialki zenbatutakoa,** kontzeptuka antolatuta eta emaitzak guztira islatzen dituen. Gastuen zerrendak hau jasoko du:
  - Hartzekodunaren indentifikazioa
  - Dokumentuaren indentifikazioa
  - Zenbatekoa
  - Igorpen data
  - Ordainketa data
- Merkataritza zirkulazio juridikoan baliokide diren fakturak edo dokumentuak, edo



## TOLOSAKO UDALA

administratiboki eraginkorrek direnak, aurreko paragrafoan aipatutako zerrendan jasotzen direnak, eta hala badagokio, ordainketaren dokumentazio akreditatiboa. Dokumentu horien fotokopiak aterako dira eta konpultsatu egingo dira; kudeaketa zerbitzuak berretsiko ditu eta jatorrizko dokumentuak interesatuei itzuliko zaizkie. Jatorrizko dokumentuak edo kopia konpultsatuak erakunde onuradunean geratuko dira gutxienez lau urtez.

- Diruz lagundutako jarduera finantzatu duten diru-sarreraren eta dirulaguntzen zerrenda xehatua, zenbatekoa eta jatorria adieraziz.

Aurreko guztiaz gain, gastuei dagokienez eskakizun hauek erebete beharko dira:

- Langileei dagozkien gastuak soldata-gastu gisa justifikatzeko, dokumentu hauek aurkeztu beharko dira: lan kontratuen kopiak, hartzaileek sinatutako dagozkien nomina ordainduak, edo hala badagokio, bankuko abonua-agiria, eta Gizarte Segurantzaren kotizatu izanaren ziurtagiriak.

**3. Balioespen txostena** udal langile-teknikari eskudunek idatzitakoa; dokumentuan argi azalduko da diru laguntzaren objektua erabat bete dela, edo justifikazioa onartu ezin duten gabeziak edo egoerak daudela. Inbertsioetarako diru laguntzen kasuan, egindako egiaztapen materialaren emaitza jasotzen duen akta edo txostena.

## 10. DIRU LAGUNTZEN ABONUA ETA AURRERAKINAK

Diru laguntzen abonua Tolosako udaleko ordenantza arautzailean ezarritakoari jarraiki egingo da. Ordainketa aurreratuak egin ahal izango dira justifikazioaren aurretiko fondo-entrega moduan, diru laguntzei atxikitako jarduerak burutzeko nahitaezko finantzaketa gisa, nolana ere, azken zatiaren ordainketa egindako gastuaren justifikazioaren baldintzapean geratuko da.

Diru laguntzaren ordainketa ezingo da egin pertsona edo erakunde onuradunak zerga betebeharrak eta Gizarte segurantzakoak egunean ez dituen artean edo itzulera-bidezketasuneko ebazpenez zordun den artean.

## 11. PUBLIZITATEA

Emandako diru-laguntzen zerrenda, pertsona onuradunak eta beren zenbatekoak adierazita,

Udalaren web orrian eta udaleko iragarki-oholean argitaratuko dira.

Diru-laguntzen onuradunak diruz laguntzeko den edozein programaren, jardueraren, inbertsioren edo jardunen izaera publikoari buruzko publizitatea egin beharko du eta ezin izango dituzte hizkera eta irudi sexistarik erabili.

Publizitate horretan Tolosako Udaleko erakunde-irudia txertatu beharko da derrigorrez, eta baita finantzaketa publikoari buruzko hitzak ere txartel, plaka oroigarri, material inprimatu, euskarri elektronikoa edo ikus-entzunezko, edo komunikabideetan egindako aipamenetan.



**TOLOSAKO UDALA**

## 12. ARAUDIA

Oinarri berezi hauetan aurreikusi ez den orotan arau hauek aplikatuko dira: Azaroaren 17ko Diru-laguntzen 38/2003 Lege Orokorra (azaroaren 18ko Estatuko Aldizkari Ofiziala); horren garapenerako Erregelamendua, uztailaren 21eko 887/2006 Errege Dekretuaren bidez onartua (uztailaren 25eko Estatuko Aldizkari Ofiziala); 4/ 2005 legea, otsailaren 18an emakumeen eta gizonen berdintasuneko eta Tolosako Udalak eta bere Erakunde Autonomoek diru-laguntzak emateko Ordenantza Orokor arautzailea.